

Universitätsbibliothek Paderborn

Ioannis S. R. E. Cardinalis Bona Opera Omnia

Tribus Tomis comprehensa

Opvscvla Spiritvalia - I. Horologium Asceticum. II. Principia Vitae
Christiana. III. Manuductio ad Coelum. IV. Via Compendii ad Deum. V. De
Sacrificio Missae. VI. De Discretione Spirituum ... Operum Eminentiss.
Cardinalis, Tom. I

Bona, Giovanni

Parisiis, 1677

§. 17. De Corona B. Virginis

urn:nbn:de:hbz:466:1-9969

evadant, sed ut cœlesti sponso placeant & obediant. Hæc est vera, & perfecta resignatio, & conformitas tuæ voluntatis cum divina, quam quotidie petere à Deo humiliter debes, orans ex corde, & dicens: *O sanctissima Dei voluntas, semper adimplearis in me! O justissima Dei decreta, adoro vos, & vestro beneplacito consecro & resigno totaliter voluntatem meam, affectus meos, & omnia desideria mea.* Tuus sum ego, Deus meus, tua est voluntas mea, tuum est quicquid volo, & cupio. Vive, & regna semper in me, & vires meas conforta, ut adimpleam quod te donante proposui. Hæc & similia verba sœpe iterabis dulciter, & tranquille, non ore, sed spiritu ea pronuncians, itaut quodammodo ex apice spiritus suavissime effluant, & distillent: nam sic erunt efficaciora, quam si per modum orationis jaculatorię cum quodam impetu, & conatus proferantur.

§. XVII. *De Corona B. Virginis.*

INTER alias preces, quæ pro Virginis honore fundi solent, valde solemnis ea est, & à nemine vel perditissimo omissa, quæ per globulos, seu orbiculos precatorios filo insertos fit, & Corona, vel Rosarium nuncupatur. Rosarium centum quinquaginta salutationibus Angelicis constat, præmissa cuilibet decadi dominica oratione. Corona ex sexaginta tribus salutationibus Angelicis componitur, & septem orationibus dominicis. De Rosario infrà, nunc de Corona agendum; quæ quia Deiparæ velut Regium diadema offertur, & tanquam fertum honoris ab ejus benignitate acceptatur, ideo Corona vocatur. Est autem hæc precatio ex sexaginta tribus Angelicis salutationibus compacta, juxta numerum annorum quibus B. Virgo in terris vixisse creditur, ut fert Doctorum probabilior sententia. In cuius recitatione sequenti forma uti poteris; teque paululum recolliges, priusquam incipias, attendens quam nobile, & omnino Angelicum officium sis obiturus, & ad quam intentio-

nem. Præmisso signo Crucis dices. *Deus in adjutorium meum intende. Gloria Patri. Dignare me laudare te Virgo sacrata, Da mihi virtutem contra hostes tuos.* Tum in prima decade dum dicis *Pater noster*, memor eris primæ effusionis Sanguinis Domini nostri Jesu Christi in circumcisione. Dum verò recitas decies *Ave Maria*, considerabis primum statum vitæ B. Virginis, cum adhuc puella in domo paterna commorabatur. Postea dices hanc orationem: *Decies millies benedicant te, gloria Virgo, omnes Angeli, Archangeli, Principatus, Potestates, Dominaciones, Virtutes, Throni, Cherubim ac Seraphim, cum quibus speramus aliquando te videre in cœlo. Amen.*

In i i. decade ad orationem dominicam secundam sanguinis effusionem in horto, & ad Angelicas salutationes vitam B. Virginis in templo meditaberis. Deinde sic orabis. *Vigesies millies benedicant te, gloria Virgo, omnes Sancti Patriarchæ & Prophetæ, beati Innocentes, & omnes Sancti veteris Testamenti, cum quibus speramus aliquando te videre in cœlo. Amen.*

In i i i. decade considerabis effusionem Sanguinis in Flagellatione, vitamque Deiparæ usque ad annum Christi duodecimum. Tum dices. *Trigesies millies benedicant te, gloria Virgo, omnes Apostoli, & Discipuli Domini, Evangelistæ item & Martyres, cum quibus speramus aliquando te videre in cœlo. Amen.*

In i v. decade effusionem Sanguinis in spinea coronatione, & vitam Virginis usque ad annum trigesimum Christi. Subdes. *Quadragesies millies benedicant te, gloria Virgo, omnes sancti Confessores, Pontifices, Doctores, Monachi, & Eremitæ, cum quibus speramus aliquando te vide re in cœlo. Amen.*

In v. effusionem Sanguinis, cum Judæi Christum suis vestibus expoliarunt, & vitam B. Virginis usque ad Domini Ascensionem. Addes. *Quinquagesies millies benedicant te, gloria Virgo, omnes sanctæ mulieres, Virgines, viduae, & conjugatæ, cum quibus speramus aliquando te vide re in cœlo. Amen.*

In v. i. effusionem Sanguinis in crucifixione, & resiliuum vitæ Virginis usque ad mortem. Mox dices. Centies millies benedicant te, gloria Virgo, omnes Sancti & Sanctæ Dei, cum quibus speramus aliquando te videre in cœlo.

Amen.

Sequitur septimum Pater noster, ad quod meditaberis ultimam Sanguinis effusionem in lateris apertione. Tum dices ter Ave Maria, commemorando mortem, Resurrectionem, & Coronationem B. Virginis. In fine verò post symbolum Apostolorum dicitur Hymnus Ave maris stella cum versu Ora pro nobis sancta Dei genetrix, & Collecta, Defende quæsumus Domine, B. Maria semper Virgine intercedente, istam ab omni adversitate familiam, & toto corde tibi prostratam ab hostium propitiis tuere clementer insidiis. Per Christum. Dulce nomen Domini nostri Iesu Christi, & Beatissima Matris ejus sit benedictum in secula seculorum.

Amen.

§. XVIII. De Rosario B. Virginis.

Hoc Rosarium adinstar psalterii Davidici ex centum quinquaginta salutationibus Angelicis tanquam ex totidem sua voluntibus rosis, componitur, & hinc Rosarii nomenclaturam accepit. Dividitur in tres partes, seu quinquagenas; suntque cuiusque partis quinque mysteria, dum quinque decades percurruntur, consideranda. Primæ partis mysteria dicuntur gaudiosa, & sunt ista, Annuntiatio Incarnationis, atque ipsa Incarnatio Filii Dei: Visitatio Elizabeth, & Joannis Baptistæ sanctificatio; Partus B. Virginis, & Nativitas Salvatoris: Oblatio pueri Jesu in templo, & Virginis Matris Purificatio; (sed huic Mysterio alii substiruunt Magorum adorationem.) Inventio pueri Jesu duodennis in templo, Secunda pars habet mysteria dolorosa, videlicet orationem Christi in horo, ejusque capturam: ejus flagellationem: spineam coronam: crucis bajulationem: Crucifixionem. Tertiæ partis mysteria sunt gloria, nimisrum Resurrectio Do-

I iiiij